



Møteprotokoll for Formannskapet

Møtedato: 28.03.2017
Møtestad: Formannskapsrommet
Møtetid: 09.45 - 13.30

Møte i Næringsfondsstyre og Valnemnd vart halde under pause i løpet av møtet.

Frammøtte medlemmer	Parti	Rolle	Merknad
Tom Kristian Thorsen	SO	Ordfører	Ugild sak 024
Kristin Nåmdal	SA	Varaordfører	
Linda Neset	SO	Medlem	
Ann-Jorunn Farestveit	SO	Medlem	
Kjetil Eikefet	SA	Medlem	

Frammøtte varamedlemmer:	Parti	Rolle	Merknad
Frank Stian Steinsland	SO	Varamedlem	Varamann under sak 024

Frå administrasjonen:	Funksjon:	Rolle	Merknad
Oddvin Neset	Assisterande rådmann	Administrasjon	
Tone Selmer Skuggevik	Teknisk sjef	Administrasjon	
Øivind Olsnes	Rådmann	Administrasjon	

Sakliste

Saknr	Tittel
020/2017	Godkjenning av innkalling og saksliste
021/2017	Godkjenning av møtebok
022/2017	Orienteringssaker
023/2017	Brannsamarbeid mellom kommunane Lindås, Meland og Modalen
024/2017	Omtvista krav frå Modalen Kraftlag til Modalen kommune
025/2017	Val av rekrutterningsbyrå

Notat frå møtet:

020/2017: Godkjenning av innkalling og sakliste

Behandling:

Formannskapet vedtok å handsame sak 024 først i møtet.

Vedtak:

Innkalling og sakliste vert godkjent. Sak 024 handsama først.

021/2017: Godkjenning av møtebok

Behandling:

Samrøystes

Vedtak:

Møtebok vert godkjend slik ho ligg føre

022/2017: Orienteringssaker

Behandling:

Omlegging av VA-leidning til Heiane

Ordførar og rådmann orienterte kort om status for dette arbeidet.

Kristin Nåmdal ba om når det ved gjennomgang av mulighetsstudie Trohaugområdet i komande kommunestyremøte, også vart lagt fram eit oversyn over tilgjengelege bustadtomter på Mo, Otterstad, Heiane, Helland og Øvre Helland. Likeiens om kva status område ved Sæten har i gjeldande arealplan. Administrasjonen føl opp dette.

Kristin Nåmdal stilte spørsmål ved omtale i NRK om mobbing ved Mo skule. Rådmannen gav ei tilbakemelding om bakgrunn og status.

Kristin Nåmdal stilte spørsmål vedkomande oppfølging av førespurnad om overtaking av kommunale kaiar. Rådmannen svarte at dette ikkje er løyst grunna kapasitet/prioritering i adm.

Ann-Jorunn Farestveit stilte spørsmål vedkomande avtale om veterinær. Rådmannen orienterte om

status for drøftingar med Vaksdal kommune.

Vedtak:

Sakene vert tekne til orientering

023/2017: Brannsamarbeid mellom kommunane Lindås, Meland og Modalen

Behandling:

Rådmann orienterte om saka

Vedtak:

Modalen kommunestyre vedtek å ta del i felles samarbeid om brannvern og beredskap for kommunane Lindås, Meland og Modalen med verknad frå 01.05.17.

Brannordninga er organisert som vertskommunesamarbeid utan nemnd etter Kommunelova § 28b, der Lindås er vertskommune.

Vilkåra som framkjem av vedlagt *Samarbeidsavtale* og *Brannordning* for kommunane vert lagt til grunn, der mellom anna slike økonomiske vilkår er særskilt avtalt for Modalen kommune:

- Modalen kommune skal betale eit årleg grunnbeløp – stort kr 600.000. Grunnbeløpet skal indeksregulerast pr. 1.5. - første gong i 2018 - tilsvarande fastsett samla pris- og kostnadsvekst (kostnadsdeflator) i statsbudsjettet.
- Modalen kommune skal betale ein andel av årleg driftsbudsjett utrekna etter folketalet i kommunane (Modalen sin andel -1.6%). For 2017 utgjer dette ca. kr 315.000.
- Modalen kommune betalar inn ei ekstra årleg innbetaling for åra 2017, 2018 og 2019 (fast stor kr 200.000.- pr år). Dette skal dekkja avvik i forhold til «Rein brannmann» og avvik i forhold til kompetanse og utstyrsbehov forankra i lokal ROS.
- Mannskapa i Modalen har høgare sats for personsøklar-tillegget enn mannskapa i Lindås og Meland. Denne differansen vert dekkja av Modalen kommune som ekstra bevilgning.
- Modalen kommune kostar utbetring av stasjonen på Mo og inngår leigeavtale med vertskommunen om dette.
- Modalen kommune må sjølv betale kostnader for å oppretthalde drifta av branngarasje/depot på Øvre Helland, men bruk av anlegg/utstyr vil inngå i samarbeidet.
- Bilar og utstyr som Modalen eig skal vere med inn i samarbeidet. Drift/vedlikehald vert ivareteke av samarbeidet. Modalen kommune står framleis som eigar av sine bilar og dei vert derfor ikkje omregistrert. Ved eventuell retrett (oppseiing) frå avtalen vil bilane og utstyret tilhøyre Modalen kommune. Ved seinare trong til utskifting av bilar vil dette verte gjort gjennom samarbeidet.
- Inkludert i avtalen er kostnader til TETRA, 110 og IUA. Kostnader til Sivilforsvarets sitt lager blir halde utanfor (gjeld også for Lindås og Meland).

Modalen kommunestyre delegerer til Brannsjefen i samarbeidet (Rådmannen i Lindås kommune) alle oppgaver med beredskap og feiing som er heimla i brannlova med tilhøyrande føresegner og retningslinjer.

Brannsjefen skal også ivareta og utøve det brannfaglege mynde på vegne av Modalen kommune i følgjande samarbeidsorgan:

- Avtale mellom kommunane Masfjorden, Modalen, Gulen og Solund om samarbeid for å utføre lovpålagt feiing og tilsyn med fyringsanlegg i desse 4 kommunane.
- Avtale for samarbeid om ei felles førebyggjande avdeling innan brannvern for kommunane Lindås, Meland, Austrheim, Gulen, Masfjorden, Radøy, Solund, Modalen og Fedje.

024/2017: Omtvista krav frå Modalen Kraftlag til Modalen kommune

Behandling:

Habilitet:

Ordførar gjekk frå under handsaming av saka då han var ugild grunna at han er gift med styreleiar i Modalen kraftlag, Fvl § 6 c.

Varaordførar Kristin Nåmdal leia møtet og orienterte om saka.

Linda Neset sette fram slik framlegg til vedtak:

Modalen kommune ser seg tent med å avslutte saka med Modalen kraftlag. Det vert vedteke å betale heile beløpet. I det vidare samarbeidet ser ein det som naudsynt å innarbeide klare rutinar når det gjeld ansvarforholdet mellom partane.

Røysting:

Linda Neset sitt framlegg vart samrøystes vedteke

Vedtak:

Modalen kommune ser seg tent med å avslutte saka med Modalen kraftlag. Det vert vedteke å betale heile beløpet. I det vidare samarbeidet ser ein det som naudsynt å innarbeide klare rutinar når det gjeld ansvarforholdet mellom partane.

025/2017: Val av rekrutteringsbyrå

Behandling:

Formannskapet drøfta saka sist i møtet. Ordførar var sjølv sekretær.

Vedtak:

Innkomne tilbod blei drøfta i møtet. Kriteria frå prisforespurnad vart vekta opp mot tilboda, og referansar vart gjennomgått. Etter gjennomgang valte formannskapet Visindi til rekrutteringsbyrå for tilsetting av ny rådmann. Ordførar informerer selskapa som har sendt tilbod og lagar ei samanstilling av vurderingane. Ordførar avtalar møte med Visindi.
